

Prot. n. 48837/14 CA

Competentiae

(Rev.dus X – Congregatio pro Institutis vitae consecratae et Societatibus vitae apostolicae)

Recepto recursu hierarchico Rev.di X, Congregatio pro Institutis vitae consecratae et Societatibus vitae apostolicae huic Signaturae Apostolicae dubium proponendum censuit ac proposuit de sua competentia in re.

Transmissis actis causae apud idem Dicasterium usque adhuc prostantibus iisque ab H.S.T. rimatis,

SUPREMUM SIGNATURAE  
APOSTOLICAE TRIBUNAL

Re sedulo examini subiecta;

Viso praescripto art. 137, § 2 Ordinationis generalis Romanae Curiae, quo Curiae Romanae Dicasteria, recursum quemdam hierarchicum pertractantia, Signaturae Apostolicae dubia deferre possunt de eorundem Dicasteriorum competentia deque recta recursus propositione;

Animadverso quod solutionem dubii de competentia, uti par est, Dicasteria Romanae Curiae ab H.S.T. exquirunt sive ad rectam administrationem fovendam

sive ad recursus contentiosos administrativos quantum fieri potest praecavendos, atque quod examen dubii propositi, attenta eius natura praeliminari, actis hucusque exhibitis nititur;

Pro comperto habito quod decreta a Rev. do X, impugnata ad fines in relationibus cum aetate minoribus ab eodem non servatos tantum attinent, quin ullo modo de delictis, de actione poenali, de accusationibus poenalibus, de investigatione poenali praevia vel de notitia saltem verisimili de delicto in iisdem fiat sermo;

Visis artt. 13, 14, 52 necnon 108, § 1 Const. Apost. *Pastor bonus*;

Audito Rev.mo Promotore Iustitiae;

Vi art. 121 Const. Apost. *Pastor bonus*, art. 32 *Legis propriae* huius Supremi Tribunalis necnon art. 137, § 2 Ordinationis generalis Romanae Curiae,

Dubio a Congregatione pro Institutis vitae consecratae et Societatibus vitae apostolicae proposito respondendum esse ac respondere decrevit:

*Affirmative*, seu ex actis quae hucusque prostant ad Congregationem pro Institutis vitae consecratae et Societatibus vitae apostolicae competentiam spectare in recursu hierarchico de qua supra pertractando.

Et notificetur.

Datum Romae, e Sede Supremi Signaturae Apostolicae Tribunalis die 5 martii 2014.

✠ Franciscus Daneels, o.praem.

*Secretarius*

Iosephus Ferdinandus Mejía Yáñez, m.g.  
*Moderator Cancellariae*